

河朔訪古記卷下

元

納

新

撰

河南郡部

河南郡部河南府路禹貢豫州之域周武王定鼎于郊  
鄩則今王城也成王卜瀍水東澗水西卽今府城也秦  
置三川郡謂大河伊洛三川也項羽以瑕邱申陽爲河  
南至漢爲河南郡光武都洛陽魏置司州襲都于此西  
晉亦都洛魏孝武自此遷都長安東魏改洛州周大象  
間爲東京置洛陽郡隋爲洛州大業間遷都于此改曰  
河朔訪古記

卷下

一

豫州尋爲河南郡唐復爲洛州號曰東都五代梁改西  
京宋爲西京河南府金改曰金昌府全勝軍國朝改曰  
河南府路領州一曰陝州陝州統縣四曰洛陽曰偃師  
曰登封曰鞏謹按元史地理志當作領州一縣人縣曰  
洛陽宜陽永甯登封鞏縣孟津新安偃師州曰陝州陝  
州統四縣曰陝縣靈寶閿鄉澠池

洛陽縣周之下都是爲成周也漢爲河南郡治曰平陰  
縣東漢改洛陽縣晉曰金墉城唐曰來庭縣神龍初仍  
改洛陽宋金因之國朝爲河南府路附郭縣



白馬寺洛陽城西雍門外白馬寺卽漢之鴻臚寺也永平十四年摩騰三藏法師以白馬馱經至此因建寺以白馬名鴻臚寺漢爲掌四譯客官署三藏以西域僧故得館于此自古惟官府有寺佛廟得名蓋踵鴻臚之名始于白馬也寺有闔聖堂一所世傳三藏與褚善信警校經義之所又有三藏贊碑一通撰文書篆皆宋眞宗御製也又有翰林學士蘇易簡所撰碑一通備載寺之興廢始末甚詳至欽宗靖康時毀于金人兵火逮國朝至元七年世祖皇帝從帝師帕克巴之請大爲興建門

廡堂殿樓閣臺觀鬱然天人之居矣庭中一鉅碑龜趺螭首高四丈餘碑首刻曰大元重修釋源大白馬寺賜田功德之碑榮祿大夫翰林承旨闈復奉敕撰碑曰聖上大德改元之四年冬十月釋源大白馬寺告成詔以護國仁王寺水陸田在懷孟六縣者千六百頃充此恆產永爲皇家子孫祈福之地仍命翰林詞臣書其事于石臣復謹按清慧眞覺大師文才所具事蹟漢永平中摩騰竺法蘭以白馬馱經至于西雍初假館于鴻臚後卽東都雍門外建白馬寺爲譯經之所嗣後沙門踵至



若康僧會之于吳佛圖澄之于晉鳩摩羅什求那跋摩  
之于宋元奘無畏之于唐千載而下經論日繁教風日  
競北至幽都南踰瘴海東極扶桑西還月窟蓮宮梵宇  
彌亘大千實權輿于此綿歷劫火寺之興廢有可考者  
宋翰林學士蘇易簡文石在焉國初有僧曰英山主以  
醫術居洛罄藥囊之貲謀爲起廢或訝其規模太廣工  
用莫繼則曰茲寺中華佛教根柢他日必有大事因緣  
余第爲張本爾至元七年帝師大寶法王帕克巴集郡  
國教釋諸僧登壇演法從容詢于眾曰佛法至中國始

河朔訪古記

卷下

三

于何時首居何刹扶宗宏教大師龍川講主行育時在  
眾中乃引永平之事以對且以營建爲請會白馬寺僧  
行政言與行育協帝師嘉納聞于世祖聖德神功文武  
皇帝特敕行育綜領修寺之役經度之始無所取財遍  
訪檀施于諸方洊更歲籥而未覩成效帝師聞之申命  
大師丹巴董其事丹巴請假護國仁王寺田租以供土  
木之費詔允其請裕宗文惠明孝皇帝時在東宮亦出  
帛幣爲助于是工役始大作爲殿九楹法堂五楹前三  
其門傍翼以閣雲房精舍齋庖庫廩以次完具位置尊



嚴繪塑精妙蓋與都城萬安興教仁王三大刹比勩焉  
始終閱二紀之久緣甫集而行育卒詔贈司空鳩臚卿  
諡護法大師文才繼主席酬酢眾務率其屬敏于事者  
曰淨汴等以畢寺之餘功落成之際仁王寺欲復所假  
田租文才卽遣僧頡言于丹巴曰轉經頌禱寺所以來  
眾僧也有寺無田眾安仰丹巴令宣政院官達什愛滿  
等奉請遂有賜田之命且敕有司世世勿奪云寺二一  
在宜陽縣治西九十里又一在永甯縣東南二十五里  
應天禪院在河南府城東北市坊火燒街卽太祖降生  
河朔訪古記

卷下

四

甲馬營故基也大中祥符九年西京應天院太祖神御  
殿成爲屋九百九十一區命宰相向敏中爲奉安聖容  
禮儀使入內都知張景管句奉迎敕諫議大夫戚綸告  
永昌陵

上清宮在洛陽縣西北北邙山之西唐老子廟乾封賜  
額曰元元皇帝廟開元末西北別建元元觀復改曰上  
清宮宮壁有吳道子畫神堯太宗中宗睿宗元宗五帝  
御容又有元宗齋宮詩碑朱溫廢爲老子廟後唐莊宗  
復爲上清宮云杜少陵有冬日洛城謁元皇帝廟詩卽



其宮也牛口谷榆窠園皆在宮之相近云廟壁龕杜甫  
五言古詩一首唐陸肱所書碑也

嵩陽宮在登封縣北五里本漢武帝宮也後魏建精忠  
觀隋改上陽觀唐武后改嵩陽宮大中祥符二年改天  
封觀後復爲嵩陽宮宮有漢武帝御井古栢二株蔭數  
百步武后皆封五品大夫世稱大小將軍云宮前聖德  
感應頌碑一通唐徐浩書殿東柱刻曰國子博士韓愈  
與著作郎樊宗師處士盧仝道士趙元遇元和四年三  
月二十六日題

河朔訪古記

卷下

五

崇福宮在登封縣東北四里乃古太乙之所治也宮後  
有太乙殿殿後有太乙泉云至宋章聖朝合州進木文  
丈人其事甚怪比至京木中人呼萬歲者三詔賜崇福  
宮安奉故李廌方叔有詩曰真人友造化故與物爲一  
持此誠與神可貫金與石何爲輒入木厭世未肯出衣  
冠儼如生隱若顧陸筆

測影臺在登封縣東南二十五里天中鄉告成鎮周公  
測影臺石蹟存焉告成卽古嵩州陽城之墟是爲天地  
之中也臺高一丈二尺周十六步可容八席周禮大司



徒以土圭之法測土深正日景以求地中建王國焉日至之景尺有五寸謂之地中唐開元十一年詔太史監南宮說以石立表宋太中三年汜水令李偃重建增崇七尺國朝至元十六年太史令郭守敬奏設監候官十有四員分道測景十八年奉敕于古臺之北築臺高二十六尺中樹儀表上爲四銅環規制極精緻命有司營廡舍門廡又于古臺新臺南建周公之廟以祀之其碑則河南憲史李用中譔文也臺西則天中觀云

嵩山中嶽廟在登封縣東一十二里曰中嶽廟殿屋宏

河朔訪古記

卷下

六

麗塚樓四闕角複道聯屬擬于宮庭三門之下二衛神皆鐵鑄極雄偉兩廡碑石森列皆國朝代祀者所立也又有唐碑一通韋行儉所撰宋碑三通盧多遜王曾陳知微所撰國朝修廟碑一通則廬陵歐陽元譔也廟西又有鎮皇廟云中嶽之神今封爲中天大甯崇聖帝中嶽中天崇聖帝廟在登封縣按中嶽唐武太后垂拱四年改嵩山爲神嶽加嶽神爲太師使持節仲嶽大都督封中天王禁斷芻牧萬歲登封元年尊爲神嶽中天黃帝天靈妃爲天中黃后後罷之明皇天寶五載封中



天王至宋大中祥符四年號中嶽崇聖帝貞明后乾興元年改顯明皇后唐開元八年建考唐制每歲土王河南尹奉詔祀嶽至宋亦知府往祠慶歷後通判攝事今在縣東北九里按其神性慈傳五戒不享葷辛廟始在東南嶺上今廟之東後魏太武帝大安中徙于神蓋山在今廟之北至宋大武方移于此廟南有雙石闕外石人一對闕上多記刻後漢安帝元初年建

昇平太子廟在偃師縣南古緱氏縣東南二十里曰府店店南緱氏之上有昇仙太子廟古曰王仙君廟漢武

河朔訪古記

卷下

七

建西王母祠于其右王母姓緱氏故以名其山云唐武后萬歲通天元年改賜今額又曰賓天觀觀有唐二碑一通乃左相陳希烈撰文徐浩書一通則武后自書撰也二碑今皆不存今惟有一碑國朝陳天祥所撰者也天祥歎歷臺諫素有風節爲時名臣贈平章政事趙國公諡曰文忠世尊之爲緱山先生按神仙傳曰周靈王太子名晉字子喬好吹笙作鳳鳴遊伊洛之間浮邱公接以上嵩高山學神仙之道三十年後七月七日乘白鶴而去因立祠于緱山之下焉祠南有浴鶴池仙屋石



室武后于石室中開石匣得一古劍神光赫然緱山大抵若覆盂之狀高不百尋周不數里且無泉石之勝因仙居之名而著聞四方也土人云至今風月清夜窅然時聞笙簫之聲

漢光武帝原陵在臨平亭南方三百二十步高六丈西

望平陰去洛陽東南十里

按帝王世紀作十五里

漢明帝顯節陵在洛陽縣東南三十七里故富壽亭也陵周三丈二尺無周垣行馬四出在殿北提封田七十四頃

河朔訪古記

卷下

八

漢章帝敬陵帝王世紀曰在洛陽縣東南三十九里陵周三百步高二丈六尺無周垣爲行馬四出司馬門鐘虞皆在行馬內寢殿園省在東園寺吏舍在殿北提封田十二頃五十七畝八十五步

按河南志作提封田二十頃五十五畝

和帝慎陵在洛陽縣東南四十一里陵周三百八十步高十丈

順帝憲陵在洛陽縣西十五里陵周三百步高八丈四尺北邙山下制度並同前但鐘虞在司馬門內寢殿園



省寺吏舍在殿東提封田四十八頃十九畝三十步  
魏明帝高平陵在洛陽縣東南四十里大石山卽萬安  
山也

宋太祖永昌陵在芝田西四十里陪葬子孫十五墳

宋太宗永熙陵在芝田西南四十里皇堂深百尺方廣  
八十尺陵臺方二百五十尺置守陵五百人陪葬子孫  
凡八墳

真宗永定陵在芝田北五里皇堂深八十一尺上方百  
四十尺

河朔訪古記

卷下

九

仁宗永昭陵在芝田北十二里初崩發諸路卒四萬六  
千七百八十人修奉山陵

英宗永厚陵南至定陵七里一百三十步東至昭陵九  
十步

神宗永裕陵在永厚陵之西

哲宗永泰陵在裕陵東北

漢劉寬墓在洛陽上東門外墓南二碑漢隸蔡邕所書  
碑首題曰漢太尉車騎將軍特進遂鄉侯劉公碑其一  
碑門生殷包等所立碑陰刻贈物緣含玉落星錦之類



一碑故吏李諫所立也碑陰刻故吏鄉里名氏云二碑所載與漢書同但遷官次序頗略異耳寬以漢中平二年卒至唐咸亨元年其裔孫胡城公爽以碑歲久皆仆于野爲再立之併記其世序云嗚呼前世士大夫世家著之譜牒故自中平至于咸亨四百餘年而爽能知世次之詳也今之譜學亡矣雖名臣鉅族未有家譜然而俗尙苟簡廢失者豈止家譜而已哉

杜氏墳在鞏縣西五十二里首陽山東唐杜審言及子閑孫甫三世墓皆在焉

河朔訪古記

卷下

十

宋參知政事范文正公仲淹墓在洛陽縣南七十里神陰鄉彭姿店東北萬安山下其子丞相忠宣公堯夫以下皆祔葬兆內文正公之碑則歐陽文忠公撰文額曰懷賢之碑忠宣公神道碑則曾文昭公筆撰文額曰世濟忠直之碑墓東則守墳哀賢寺寺有范氏復祖墓碑一通天台陳基之文也其略曰宋太師魏國范文正公以上三世墳墓皆在吳門之天平山至公始葬洛陽母謝夫人之兆其子丞相忠宣公以下三世皆祔焉靖康之亂子孫在吳弗獲展墓逮我元混一故公克登祀典



有司致祭惟謹公八世孫文英謂其子延方曰吾子孫  
幸生明時憑藉餘澤食有義田居有義宅教有義塾而  
祖宗邱隴鞠爲芻牧之區尙安得爲子孫哉延方自吳  
門不遠數千里致其父命于河南僉憲李齊御史沃將  
海壽出金爲倡率其鄉黨牧倅奉牲墓下豪民觀感卒  
復所封舊地薙草繚垣壤樹築室俾甥趙氏廬其上又  
曰文正公以閭生之氣王佐之才致位將相爲宋忠臣  
誦其詩讀其書可以立忠信而尊君父興王道而致太  
平其父子窀穸使斧斤未耜相尋其中豈國家尸祝以

河朔訪古記

卷下

十一

待先賢之意乎基字敬初能詩文游京師名稱藉甚則  
余之故人也

邵康節先生之墓在洛陽縣南伊闕西南九里曰辛店  
伊水西也

洛陽金石刻 漢碑 太尉劉寬碑一通 丞相蕭何

碑 折作兩段 魏碑 三斷碑二通 皆漫無字 齊碑 佛龕碑

天統三年立 武平二年刻 二祖天師碑 馮翊王平等碑 後魏

碑 侍中廣平穆王碑 俗云陵冢碑 大昌元年立 景王碑 魏汝

南文宣王碑 末帝碑 元魏碑 韓殷隸書天 昇仙



太子廟碑 梁雅文

唐碑 啓母廟碑 楊炯文

金字碑 韓

書 義成軍節度使曹公碑 長慶四年立

程公碑 陸賢書開元二年立

十年 劍南東西川鹽鐵青苗租庸等使兼殿中侍御

史虢州刺史嚴公碑 顏頤書元和中立

龍門龕石像碑 袁元哲書

彭王傅贈太子少師徐浩碑 次子徐峴書

啓聖宮臺勅

碑 太子亨題

雒陽尉馬允中碑

黃門侍郎孫公碑

荆

州長史孫公碑 張延諷書

延州刺史孫公碑 開元二年立

齊

州刺史崔府君碑 崔平書大中八年立

陳公碑 蕭祐立

右僕射

曹公碑 正元四年立

左僕射牛公碑 長慶二年立

邕州刺史

河朔訪古記

卷下

三

裴公碑 鄭還古書開成五年立

房州刺史盧府君碑 張文禧書正元九年立

太原少尹盧府君碑

立 東都留守盧府君碑 開元中

散騎常

張文禧書正元九年立

歙州刺史郭府君碑 開元十二年立

散騎常

侍黎公碑 嗣子書太和

塞軍使張君碑

丞相司空李

公碑 太和中立 明威將軍田府君碑

韓尊師道德碑 開成

四年 太子賓客王府君碑 周式書大曆中立

工部侍郎趙

公碑 王宣書開元十年立

左衛太將軍卞國公泉公碑 彭杲書

左僕射太子少保劉公碑 都督隴右羣牧韋公碑

秦公碑 太子少保崔公碑 廬州司馬劉府君碑



真堂記碑 測景臺記碑 會喜寺碑徐洪八分書 嵩岳

廟碑八分書 嵩山寺頌碑胡莫書開元十七年立 辨正禪師奉

先塔銘碑徐峴書 太子翊善鄭公碑 光福寺塔題名

碑王仲舒書 嵩山題名碑韓愈書 江陰縣令武登碑長慶四年

立 澠池縣南館記碑盧元卿八分書 太子賓客孟簡碑

普甯郡王陳府君碑蕭祐書 權公碑 太原尹唐公碑

盧曉八分書 工部侍郎趙國公碑 襄陽李公碑 惠林

寺題名碑 惠林寺新修軒廊記碑 清河崔公碑

太子賓客孔府君碑 諫議大夫王府君碑 白樂天

河朔訪古記 卷下 三

墓志碑 刑部尚書白居易碑許邠書 吏部郎中盧府

君碑 如雲筠禪師碑楊遠書 尊勝幢碑篆書 心經幢

子碑篆書 白樂天龍門八節灘詩碑樂天自書 鄭州司馬

王公碑景龍三年立 伊州刺史衙府君碑長安三年立 蕭府

君碑 杭州刺史李公碑郗公書 邳州刺史狄君碑

幽林思嵩山詩碑韓覃作 杜甫題元元皇帝廟詩碑陸肱書

白樂天香山寺詩三十韻碑賀拔恇書 李德裕平泉

山居詩碑 天后御製詩碑王知恭書 後魏大將軍泉府

君碑 華夷圖碑 洪州錄事參軍趙道先碑 節度



使畢公碑

唐惟蔚書咸通六年立

魏公碑

太和六年立

隋州錄事

參軍狄公碑

謹案河朔訪古記

四庫館臣摭輯於永樂大典

編成二卷而傳播甚稀道光時金山錢氏據浙江

文瀾閣本刻入叢書則較館本多彰德路一卷

而綜計全書三卷又僅一百三十一條與提要所

云一百三十四條者又復不合錢氏跋中稱璜川

吳氏有活字本亦同因疑爲當時編成後有所更

易然無確據也仁和朱脩伯宗丞舊藏聚珍原印

河朔訪古記

卷下

十四

諸書其所編書目載有是編亦稱二卷惜朱氏藏

書悉已易姓未由獲覩閩刻聚珍本則夙未有此

茲據朱目補刻以彌閩本之缺而訪求二卷本未

之能得姑據錢氏叢書本墨板間有譌錯別取粵

東伍氏粵雅堂本互爲參校焉若原印聚珍本中

果有是書則海內不乏儲藏家當必有見之者其

異同若何倘將來得一借校庶慰此耿耿也抑何

幸歟光緒乙未季秋會稽孫星華季宜識

河朔訪古記卷下

